

# Ulama Nusantara disiarkan mulai Oktober

➔ Dokumentari paparkan kisah ulama, sejarah penyebaran Islam di Kepulauan Melayu

Oleh Mohd Anwar Patho Rohman

wananwar@bh.com.my

► Kuala Lumpur

**M**ulai Oktober ini, Kumpulan Media Prima Berhad (MPB) dan MetroTV Indonesia akan menyiarkan dokumentari baharu, *Ulama Nusantara*.

Ketua Pegawai Eksekutif Primeworks Studio (PWS), Ahmad Izham Omar, berkata dokumentari ini memaparkan kisah ulama dan sejarah mengenai penyebaran Islam di Kepulauan Melayu, kira-kira 1,400 tahun lalu.

## Berbentuk travelog

Katanya, dokumentari berbentuk travelog sebanyak 13 episod itu dihasilkan PWS dengan kerjasama Jabatan Pengajian Arab dan Ta-

madun Islam, Fakulti Pengajian Islam, Universiti Kebangsaan Malaysia (UKM).

"Dokumentari *Ulama Nusantara* ini meneroka sejarah bagaimana Islam berkembang di Kepulauan Melayu melalui 'laluhan rempah', sehingga mampu mengintegrasikan masyarakat tempatan, terutama melalui pendidikan dan kebudayaan.

"Kolaborasi ini adalah peluang terbaik berkongsi maklumat dan fakta sejarah bagaimana Islam pertama kali datang ke rantau ini serta peranan yang dimainkan ulama dalam menyebarkan Islam di seluruh Nusantara.

"Kami menjangkakan dokumentari ini mampu menarik minat golongan akademik, peminat dan pengkaji sejarah serta penonton berdasarkan kajian menyeluruh yang dilakukan sebelum penggambaran bermula," katanya da-

## Info

### Ulama Nusantara

- **14 pengkaji** dilantik untuk meneliti rekod sejarah penyebaran Islam di Nusantara
- **Pengkaji** dari tiga universiti Islam di Indonesia terbabit dalam penyelidikan
- **Tempoh** 3 tahun diambil untuk menyiapkan dokumentari 13 episod
- **Pengggambaran** turut membabitkan lokasi di Indonesia, Brunei, Thailand, Mesir, Turki dan Malaysia

lam kenyataan, semalam.

Dokumentari itu dilancarkan Perdana Menteri, Datuk Seri Najib Razak dan Presiden Indonesia, Joko Widodo di Forum Ekonomi Islam Sedunia (WIEF 2016) di Jakarta, semalam, yang turut dihadiri Pengerusi Kumpulan MPB, Datuk Seri FD Iskandar.

### Tapak kerajaan Islam

Dokumentari ini akan membawa penonton ke beberapa lokasi yang menjadi tapak kerajaan Islam lama di Nusantara, menjejaki dan mengimbuai kembali kisah cendekiawan atau ulama tersohor rantau ini, pada awal penyebaran Islam.

Ahmad Izham berkata, dokumentari berasaskan fakta sejarah ini adalah inisiatif Khazanah Nasional Berhad (KHAZANAH) dan Yayasan Hasanah, kelolaan KHAZANAH.